



Synfocity = 408

20th September, 2012

mail us at : mzsynfo@gmail.com; mizoramsynod@gmail.com - Phone - 2314648

□ **Counselling Training khar**

Mizoram Synod, Family Guidance & Counselling Centre-in September 5 atanga Kohhran Upa te puala Pastoral Care & Counselling Training vawi 17-na, Synod Multipurpose Training Centre (SMTC)-a a buatsaih chu September 18 (Thawhlehi) zan khan 'Final Evaluation & Graduation Service' neini khar a ni.

He Training-ah hian Aizawl khawpui chhunga Bial 6 atangin Kohhran Upa 20 an tel a, Synod Moderator Rev. Thangzauva'n Training kharna hun hi a hmanpui a ni.

Training kharna inkhawm hi FG&CC Director, Rev. R. Lalhmingthanga'n a kaihrui a, Synod Moderator, Rev. Thangzauva'n Training chhuakte hnenah Certificate hlanin thuchah a sawi a. Training chhuakte hian training an hlakpui dan a lema an ziaak chu hrilfhiahin hun an hmang a, Upa Dr. P.C. Biaksiama'n trainee-te aiawha thu sawiin, Rev. Lalrinnunga, Programme Director, SMTC-in tawngtaisakna hun a hmang a, SMTC Hosteller Zaipawl te an zai bawk.

Thuchah sawitu Synod Moderator chuan training chhuakte fuihna thu sawiin, 'Upa chu Pathian rawngbawltu, A kohhran hote enkawltu a nih avangin Kohhran mite hmangaih tak leh duhsak takin a enkawl tur a ni a, Kohhrana harsatna taw leh mi hnuaihnuung zawkte ban phaka awm tur an ni,' a ti a. Kohhran vei tlat tur te, midangte tana thawhpui nuam ni tur leh mi dangte tanpui thei tura mahni intat hriam reng turin a fuih bawk.

FG&CC hian 1991 atang khan Pastor-te pualin Pastoral Care & Counselling Training hi a buatsaih thin a, kum 2002 atang khan Lay Leader-te pualin a buatsaih thin bawk. Tun a mi nen hian Pastor 359 leh Lay Leaders 315 hnenah Training pek an ni tawh a ni.

□ **Zin**

September 21 - 23 chhung hian Serchhip Kohhranah Sum vawn dan training leh Finance Campaign neih a ni dawn a, hemi neihpui tur hian Upa C. Lalmuankima, Asst. Finance Manager; Upa Ramtharlana, Revival Speaker leh Pu R. Lalrinsanga, Revival Speaker te an kal ang.

□ **MSSU**

September 21 - 23 chhung hian Lawngtlai Chanmari Bial huapin Chanmari Kohhranah Sunday School Zirtutu Training neih a ni dawn a, training neihpui tur hian Upa Lalchhuanawma, Zuangtui; T. Upa Lalthahluna Ralte, MSSU Asst. Coordinator leh Pu Joy Zairemmawia (Soloist) te an kal ang. Training bakah hian Fanau enkawl chungchang thuchah sawiin Hla Kutpui an hmanpui bawk ang.

□ **Family Guidance & Counselling Centre**

September 22 & 23 hian Lengpui Kohhranah Kristian Chhungkaw Seminar & Campaign neih a ni dawn a, hemi neihpui tur hian Rev. R. Lalhmingthanga, FG&CC Director; Rev. R. Ramnghinglova, FG&CC Counsellor leh Pu H. Lalchhandama, FG&CC Office Assistant-te an kal ang.

□ **Synod Rescue Home Day**

Naktuk (Sept. 21) hian Synod Rescue Home chuan kum 25 (Silver Jubilee) an tlin lawmna leh Pathian hnenah lawmthu sawina, Rescue Home Chapel, Durtlangah an hmang dawn a, Rev. Lalzuithanga, Executive Secretary i/c Social Front in programme a kaihrui ang a, Synod Moderator Rev. Thangzauvan Rescue Home Day Address a pe ang. Rescue Home Day lawmna ruai theh a ni ang a, zan dar 6:00 atangin Praise and Worship programme hman a ni ang a, Bawngkawn Bial Zaipawl te'n zai hi an hrui ang. Programme kimchang pheh lehlamah tarlan a ni.

□ **Kristian Thalai Pawl**

◆ September 21 - 23 hian Sialhawk Bial KTP Silver Jubilee lawmna, Sialhawk Kohhranah neih a ni dawn a, jubilee hmanpui tur hian Upa Lalrinmuana, Central KTP General Secretary a kal ang a, September 22 (Inrinni) hian Mizoram Synod Choir-te an kal bawk ang. September 22 (Inrinni) hian Leadership Training neih a ni ang a, September 23 (Pathianni) chawhma inkhawmah Upa Lalrinmuana Pathian Thuchah a sawi ang.

◆ **One Day Mission Seminar**

September 22 (Inrinni) hian Interserve India leh Central KTP tangkawpin One Day Mission Seminar, Pi Zaii Hall, Synod Conference Centre, Mission Vengah a buatsaih dawn a, thupuih Stand Apart an hmang ang a, Resource person atan Mr. Eappen John, Interserve India an hmang ang.

Interserve India leh Synod Mission Board tangkawp chuan 2011 August thla khan Aizawl khawpui huam chhunga Pastor, Pro. Pastor leh Kohhran Upate pualin tunlaia rawngbawlna hmanraw pawimawh tak mai Tent-Making Ministry chungchang Seminar an nei a. Chuta an sawi ho leh rawtna atang chuan zau zawkin thalaita puala neih ve nise, tih chu bawhzuiin One Day Mission Seminar hi buatsaih a lo ni dawn ta a ni. Programme kimchang pheh lehlamah tarlan a ni.

◆ **KTP General Conference, 2012** a thurel pakhat 'Chhawmdawlina pualin Inkhawm thawhlawm vawi hnih lakkhawm ni rawh se,' tih chu August 2012 thleng Bial 125 atangin ₹ 4,73,603/- dawn tawh a ni a, Bial 44 atangin hemi pual hi la dawn loh a ni. Central KTP Committee hnuhnuung ber chuan Chhawmdawlina pual hman dan tur ruahmantu tur ruatin hma an la tan mek bawk.

Youth Recreation Centre (YRC) puala member pakhatin ₹ 5/- hisapa thawh tur tih pawh August 2012 thleng khan Bial 67 atangin ₹ 2,78,298/- dawn tawh a ni a, hei hi October 2012 chhunga pek kim tur a ni.

KTP in Youth Recreation Centre puala sum a lo khawl tawh zawng zawng chu ₹ 1,953,915/- a ni.

◆ **KTP Inhraina Dan** : KTP Inhraina Dan 2009 Edition chu chhut nawn leh a ni a, KTP Office-ah a duh tan ₹ 10/- in lei thei reng a ni.

□ **Campus Ministry Programme**

September 24 (Thawhtanni) chawhma hian Rev. Krawschhuanmawia i/c Campus Ministry chuan Govt. K.M. High School, Dawrpui Vengtharah hun a hmanpui ang.

□ **Synod Higher Secondary School Golden Jubilee**

Synod Higher Secondary School chuan October 3 & 4 hian Golden Jubilee an lawm dawn a, October 3 (Nilaini) ah Jubilee Hawna, Contact Sports Centre, Mission Vengthlangah neih a ni ang a, Pu H. Liansailova, Hon'ble Finance Minister chu Khuallian a ni ang. Hemi ni hian Jubilee Monument hawna leh Archives & Exhibition Hawna neih a ni bawk ang. October 4 (Ningani) ah Hun Urhsun leh Alumni Pualin hun hman a ni ang a, jubilee ruai buatsaih a ni ang. *Contd...*

SHSS Alumni Association huaihawtin Golden Jubilee urlawk nan naktuk (Sept. 21) chawhnu dar 2 - 4 hian Golden Jubilee Concert neih a ni dawn a, hetah hian SHSS chhuak zaithiam lar tak takte leh zirlai ni mek ten hun an hmang ang. Jubilee Concert hi a duh apiang tan entheih turin ticket siam a ni ang.

❑ **Hruaina Eng FM Radio & TV Programme**

♦ **SEPTEMBER 21 (FM Radio @ 7:30 p.m.) :**

Choir : Durtlang Bial Zaipawl - Kan Par Ve Ang, Besy Choir - Ebenezer, **Thuchah :** C. Lalduhawma - Bawlhhlawh sawngbawl dan, **Solo :** Nancy Zothnmawii - Min hre reng ang che, Vuina tur reng hi alo awm love

♦ **SEPTEMBER 23 (TV Programme @ 3:00 p.m. :**

Mizoram Kohhran Hruaitu Committee (MKHC) Kum 30 tlin leh Lehkhabu tlangzarh

❑ **Susamachar Prasaran Programme**

September 23 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Bungkawn Masihi Sangati - Pyar ka sangar, **Group/Choir/Solo :** The Leprosy Mission Choir - Ham Soup Te He, **Sermon :** Rev Vanlabela - Isu Jevan Data He, **Group/Choir/Solo :** LH Hindi School - Yeshu MASIH, **Group/Choir/Solo :** CTI Sesawng Kohhran Masihi Sangati

❑ **Moderator Programme**

Synod Moderator Rev. Thangzauva chuan September 22 & 23 hian Kelkang Kohhran Centenary leh Hlimpui Platinum Jubilee a hmanpui ang.

RESCUE HOME DAY 2012

**A hmun : Rescue Home Chapel
A hun : September 21, 2012, 2:00 p.m.**

Chairman	: Rev. Lalzuithanga, Executive Secretary i/c Social Front
Hunserh	: Chairman
Welcome Address	:
Solo	: Emily Vanlalhtuangi, Ramhlun South
Rescue Home Report	: Rev. R. Ramdinmawia, Director, Synod Rescue Home
Testimony	: Zonunmawia
Zaipawl	: Leitan Bial Zaipawl
Testimony	: Maria Zosangpui
Zaipawl	: Rescue Home Zaipawl
Rescue Home Day	: Rev. Thangzauva, Moderator, Mizoram Synod
Address	: Bawngkawn Bial Zaipawl
Zaipawl	: A duh apiang tan
Thusawi	:
Solo	:
Lawmthu sawi	: Pu K. Lalchhanhima, Social Worker
Zai ho	: Kan Pathianin min hruai zel thin (KHB No. 23)
Banna	: Chairman kutah

ONE DAY MISSION SEMINAR PROGRAMME

A hmun : Pi Zaii Hall, Synod Conference Centre, Mission Veng
A hun : September 22, 2012 (Inrinni) Dar 10 : 00 am - 4 : 00 pm
Thupui : Stand Apart
Resource person : Mr. Eappen John, Interserve India

1st Session Dar 10 : 00 am - 12 : 00 noon

Chairman	: Rev. Lalrinmawia, Leader, Central KTP
Devotion	: Chairman
Introduction	: 1. Central KTP - Tv. VL Muanchhana, Asst. Secretary 2. Interserve - Rev. David Lalramliana Ralte
Solo	: Tv. Robert Lalduhzuala, Ramthar North
Presentation	: Mr. Eappen John, Interserve, India
Querries	: Open Floor

Dar 12 : 30 - 1 : 00 pm Tea Break/Refreshment

2nd Session Dar 1 : 30 pm - 3 : 30 pm

Chairman	: T. Upa Dr. Samuel Vanlalhtlanga, Asst. Leader, Central KTP
Group Discussion	: Group-a insiamin sawi ho tur point pek an ni ang.
Report	: Group tin atangin
Conclusion	: Resource Person
Kharna	: Chairman kutah a awm ang.

TAWNGTAI BU LAM THEIH

Tawngtai Bu chhut thar leh a ni a, kar leh atangin Synod Office-a Mamawh lamna-ah Kohhran/Bial copy tur a lak theih leh ta e.